



# КОМСОМОЛОНЬ ВАЙГЯЛЬ

Сембе мастороль пролетариятне, пуромода мар!  
ЛИСЕНДИ VI-це КИЗОСЬ

ВЛКСМ-нь Мордовский  
обкомть и Саранскяень  
горкомть газетасна

Адрессы: г. Саранск, ул. Ленина 11,  
телефон № 1-72

МАРТТЬ  
4-ЦЕ ШИСТОНЗА  
1938 КИЗОНЯ  
26 (542)

Лисенди ковти 12-кетъ.

## Смерть Родинать изменниконзонды!

Мартть 2-це шистонза СССР-нь Верховнай судть Военнай Коллегиа открытай судебнай заседани-яса ушодсь процесс „право-троцкистский блок“ лем ала ащи заговорщический группать преступнай деятельности колга. Тевть коряс судебнай ответственность таргафт: Н. И. Бухаринць, А. И. Рыковсь, Г. Г. Ягодась, Н. Н. Крестинскийсь, Х. Г. Раковскийсь, А. П. Розенгольцсь, В. Ивановсь, М. А. Черновсь, Г. Ф. Гринькось, И. А. Зеленскийсь, С. А. Бессоновсь, А. Икрамовсь, Ходжаев Файзул-ласть, В. Ф. Шараповичсь, П. Т. Зубаревсь, П. П. Плетневсь, И. Н. Казаковсь, В. А. Максимовсь, и П. П. Крючковсь.

СССР-нь славнай НКВД-нь оргаттне разоблачандазь и максозь суду подлай заговорщикнень, конат лама кизонь пингсульть шпионкс иностраннай разведкатненди. Следствиясь педа-пес сязендсь ся завесать, конань фталу кяшендсь советский народть заклятай врагоц, сембе трудящай мирть врагоц—Троцкийсь. Установлено, што сон 1921-це кизоста сямомк-ни вятсь шпионский служба фкя иностраннай разведканди. 1926-це кизоста сямомк Троцкийсь мись пря и лия иностраннай разведкат-ненди.

Троцкийть, Бухаринть и Рыковть прямой заданияснон коряс, конат лац арьсефт и разработанайхть кой-кона иностраннай государств-вань генеральной штапнень эса, „право-троцкистский блокть“ участ-никонза занимадакшность шпио-нажса, йотафнезь эсь вредитель-ский, диверсионнай и террористи-ческий деятельностьснон СССР-са. Силь думандасть, анокласть и организовандасть советский на-родть кельгома цюранц, незабвен-най, дорогой вернай Сергей Ми-ронович Кировть шавоманц. Силь аноклакшность покушения боль-шевицкий партиять и советский правительствать руководителензон эряфснон лангс.

„Право-троцкистский блокть“ террористический деятельностенц колга лифтьф лангу, што обвиняе-майхне организовандазь и осу-ществили В. В. Куйбышевть, В. Р. Менжинскийть и А. М. Горькийть злодейский кулофтомаснон загово-ронь участникнень: А. Г. Левин,

И. Н. Казаков, А. И. Виноградов врачнень и Д. Д. Плетнев профес-сорть лезксснон вельде.

Следствиять материалонзон мар-хта няфтьф, што „право-троцкист-ский блокть“ участниконза совет-ский правительствать каршос тю-ремаса и буржуазиять властенц меки мрдафтоманц инкса тюремаса сембе эсь надежаснон пут-незь исключительна иностраннай агресорхнень вооруженнай лезкс-снон лангс, конат надияфнесть заговорщикненди максомс тя лезксть СССР-ть эзда Украинать, Белоруссиять, Средне-Азиатский республикатнень, Грузиять, Армени-ять, Азербайджанть и Приморьять сямомаснон условиясь.

Народонь вакне Бухаринць, Рыковсь, Ягодась и лиятнейорасть сязем советский странаса индус-триализациять, йорасть сязем велень хозяйствань коллективиза-циять. Партиясь, Ленинско—Ста-линский ЦК-ть руководстванц вель-де неустанна разоблачандакшне-зень троцкистнень и бухаринец-нень, кода капиталистический рес-таврациянь проповедникнень, кода контрреволюциянь агенттнень, ко-да остервенежай кулачянь во-жакнень. Народонь вакненди ашозь удала и вестенга аф удала пашкодемс эсь планцнон сяс, што минь кельгома и славнай НКВД-нь наркомоньке Сталин ялгать мала-стонь соратникоц Н. И. Ежов ял-гась беспощадна громиндазень и громиндасыне народонь вакнень и силь пособникснон.

Комсомольский организациятне и Советский Союзть од ломаненза марса сембе народть мархта нин-га сядонга теснайста пуромихть ВКП(б)-нь ЦК-ть перьф и кеподь-сазь эсь революционной бдитель-ностьснон, штоба максомс реши-тельной отпор народонь вакнен-ди, конат йорасть нельгомс минь счастливай эряфоньконь. Подсуди-маень скамьяса народонь вакне ащихть, кода родинань подлей-шай предательхть, кода фашист-ский разведкань слугат, кода про-дажной шпиотт, конатненди аш-васта земной шарса честнай ло-маттнень йоткса.

Советский судсь пашкодсь на-родть волянц и фашистский убий-цатненди максы заслугас коря-судендасыне ляцемс.

## Касыхть Ленинский комсомольть рядонза

Советский од ломаттне ащихть васень ряттнень эса коммунисти-ческий обществать строямаса. Ком-сомольть задачац, кода большеви-стский партиять вернай помощни-конц, лездомс од ломаттненди силь эрь шинь работасост.

Тя задачатъ цебярьста пашкоть-кшнесазь Саранск ошонь 31-це № железнодорожной школань комсо-мольский организациясь. Тя орга-низацияса комитетонь секретарькс работай Васяев ялгась, конац пяк цебярьста ладязе работать афсо-юзной од ломаттнень йоткса, што-ба силь анокламс комсомолонь ряттненди. Аф кунара комсомолонь ряттненди примаф 11-цебяръ уче-

никт-пионерхт. Ня ученикнень йоткса улихть стапт, конат тонаф-нихть аныцек на „отлично“—Боро-дулинась, Терешкинась. Силь це-бярьста аноклафт политически и активной участия примосихть об-щественнай эряфса.

Тяни комсомольский организа-циясь эрь шиня вяти работа Ле-нинский комсомольть рядонзонды сувамать колга. 30 ученик анок-лайхть, штоба сувамс комсомолу, а комсомольский организациясь организовандась кружокт, кода од сувайхнень мархта тонафнесазь ус-тавтть и программать. Станя жа ня ученикнень йоткса тонафне-ви текущай политикась. И. Белов.

## Вишкоптемс политико- воспитательнай работать од ломаттнень йоткса

СССР-нь Верховнай Совету йо-тафтьф выборхне яркайста няфтезь массать йоткса большевицкий агитациять и пропагандать пяк оцю-роленц и значениянц. Тя важней-шай политический кампаниять пингста комсомольский организа-циятне привлекли активной поли-тический работати кемотть, сядот, тьожатть од агитаторхт, пропаган-дистт. Силь эздост ламоц комсомо-лецт и афсоюзной од ломатть. Йо-тафтомок тя политический рабо-тать, афсоюзной од ломаттне, ко-нат педа-пес преданнайхть Ле-нинонь—Сталинонь партияти, ушодсть сувама комсомолу.

Ленинонь—Сталинонь партияц од ломаттнень коммунизмань духса воспитандамаса макссь оцю дове-рия Ленинский комсомолти. Тя до-вериять Ленинский комсомолсь должен оправдандамс полностью.

Эрь комсомольский организация-са организовандафт ВКП(б) нь ис-ториять, политграмотать, между-народнай положениять тонафне-маса специальной кружокт, кода минь од ломаненьке примосихть активной участия Марксонь, Энгель-сонь, Ленинонь, Сталинонь труд-снон тонафнемаса.

Минь странасонк лувондови 40 миллионшка од ломань, силь эз-дост 4 млн. лама комсомолецт. Тя лувксь аф оцю. Ленинский ком-сомолсь X-це с“ездонц решенияса сьормадозе, што комсомолонь рятт-ненди примосевихть инь цебяръ, передовой, провереннай од ло-матть, конат педа-пес преданайхть большевицкий партиять тевонц-ты. Но нинга аф сембе комсомоль-ский организациятне кярмодсть тя тевти. Сямомс минь кой-кона ор-ганизацияньконь, кода Пенко-комбинатть, Сарлегпрогстройть, Котониннай фабрикатъ и лиятнень.

Нят предприятиятнень эзга комсо-молу примаф йофси аф лама. А-вдь тоса одломаньда гатомшка. Тя-са виноватт комсомольский коми-тетонь секретарьхне Куличков, Ки-реев, Миндров ялгатне, конат тя-чимс ашость машта тевть ладямон-за станя, штоба организациясь шида-шис касоль.

Аф сяда цебярьста тевсь ащи пединститутса, рабфакса, фельд-шерско-акушерский школаса. Нят учебнай заведенийтнень эса лувон-дови 2545 од ломань, а силь йотк-стост комсомолецта аныцек 747 ло-мань, фельдшерско-акушерскийса 1027 студенттнень йоткста аныцек 150 комсомолецт, рабфакса 412—115 комсомолецт. Мезьса причи-нась, што минь калдывста каста-ма. 1938-це кизотъ кафта ковань пингстонза городской организаци-ясь примась комсомолу аныцек 105 ломатть. Васенце причинась сянть эса, што кой-кона комсомольский организациятне калдывста ваныхть культмассовой работать ладяманц лангс, афсатомшка мяль шарф-нихть афсоюзной од ломаттнень йоткса работать лангс, аф суваф-несазь сонь общественной работа-ти. Омбоцесь ся, што кой-кона комсомольский организаторхне, ко-да педучилищань комсомольский комитетонь секретарьсь Костерин ялгась кирнесыне комсомолу су-вайхнень анкетаснон 3—4 ков.

Эряви лоткамс комсомолонь гор-комть работанц лангс. Горкомса-тячимс ащи 100-шка анкета, конат учихть разбор.

Эрь комсомольский организаци-ять, ВЛКСМ-нь горкомть основной задачасна—маластонь пингть маш-фтомс сембень афсатыкснень, ко-нат тячимс мушондыхть васта Ле-нинский комсомольть рядонзон эса. Щеглов.

## Внутрирайоннай военизированнай лыжной эстафета

РККА-ть и Военно-Морской Флотть 20-це годовщиананц ознаменовани-яныть Рузаевкань физкультурань и спортонь тевнень колга район-най комитетсь и Осоавиахимонь районнай советсь йотафтьф внут-рирайоннай военизированнай лыж-най эстафета. Эстафетаса примасть участия 105 лыжникт и лыжницат. Силь йоткстост 47 комсомолецт, 5 ВКП(б)-нь члетт и ВКП(б)-нь членонди кандидатт, 12 стирьнят, 14 пионерхт и 27 осоавиахимонь члетт.

Ульсь организовандаф 8 коман-дат. Командатне маршрутть коряс йотасть 250 км. 25 колхозга йо-тафтьф беседат и лекцият РККА-ть и Военно-Морской Флотть 20-це годовщиананц топодеманц колга. Тяда башка макссть практический лезкс ОСО-нь первичнай органи-зациятненди обороннай работать лалямаса.

Чапаевть лемса колхозса РККА-ть и Военно-Морской Флотть 20-це

годовщиананц ознаменованиянцты ульсь йотафтьф коннай пробег. Коннай пробегса участвовандасть 19 колхозникт. Маршруттъ силь йотазь цебяръ успех мархта. Самок райцентрав командань командирсь Игонин И. ялгась ВКП(б)-нь рай-комти и райисполкомти тундань видемати анокламань работать колга вручил рапорт и заверил ВКП(б)-нь райкомть и райиспол-комть, 7—8 миллиартт пугт сьоронь сатомать колга. Тяда башка Иго-нин ялгась заверил, што силь анокт араламс любой минутаста счастливай социалистический эряфть.

РайФО-ста командась колхознень эзга йотафтьф оцю работа госу-дарственной задолжносттнень пан-домаснон колга. РККА-ть и Воен-но-Морской Флотть 20-це годов-щиананц ознаменованиянцты 75 од-ломать максозь ГТО-нь тялонь норматнень.

Рузаевкань р-н,

Машиков.



# В. М. МОЛОТОВ ялгать выступлениац земельнай работникнень совещанияса

Февраль 21-це шистонза руководящей земельнай работникнень совещанияса выступил СССР-нь Народнай Комиссаронь Советт председателец Молотов ялгась тундань видеа кампаниянь кизефкснень коряс.

— Молотов ялгась азозе:

Колхозне и совхозне сатсть оцю сатфкст, сявомок мелянь кизоть пятай 7 млрд. путт сьора. Тянди лездсть цебярь природнай условиятне. Природась, однако, кодамовок обещаия изь макссе сай пингти. Но минь содасась, што главнайсь оцю урожаень сатомаса тьяни ащи минь эсь эздонк, минь работаньконь эзда, колхознень организованностьсон эзда. Земельнай органонь и МТС-нь работникне должетт сатомс сянь, штоба сявомс тя кизоть аф сяда кржа, а 7 миллиартта лама путт сьора и тьянь вельде реализовать 7—8 миллиартт путт сьоронь сатомат колга партиять ширделитхьф лозунгть.

Минь хлопкоробоньконь сатфксна марнек полафтозь странать хлопкань пяльде обеспеченностьень положениац. Тьяни минь улихть хлопкань значительнай запасоньке, кодама мзярдовок ашоль тья инголе. Хлопчатобумажнай промышленностьсь ащи-ни событиятнень пулапесост, аф кенеркшнемок перерабатывать хлопкоть. Тьяни минь люпштатама сянь лангс, штоба сяда курокста кеподемс минь марнек текстильной промышленностьонь и сяда курокста марнек обеспечиндамс ошонь и крестьянскый населениац эрвикс котфса. Минь увереннайхтяма сянь эса, што хлопчатобумажнай промышленностьсь вишкста туй инголи. Сяда пях минь должны заботамс сянь колга, штоба хлопкань запасне аф аныцек афольхть кирь, а улельхть нингя сяда касфтф.

1938 кизось должен улемс сахарнай якстерьяпсонь урожайть сяда тов касоманцты кизокс. Мелянь кизоть эзда минь сяда маладкстеме якстерьяпсонь урожайть коряс омбоце пятилеткать заданияц эрйаф йотафтоманцты. Тядде, колмоце пятилеткать васень мизостонза, минь должеттама тюремс урожайность инкса, кона достойнай колмоце пятилеткати.

Иляназонь производстваса минь пях илядоме. Тяса урожайность позорна йомла. Эряви, пуюмс пе право-троцкистскый и эсеровскый вредительхнень тя наследствасонды. Давайте вишконтхьсаськ иляназонь урожайть касфтоманц инкса тюремать тьята, кода тьянь йорайхть миллиотт колхозникт и марнек минь государстваньке.

Корхтамок модамарень и иможень производстваса эдачатнень колга, Молотов ялгась няфтезе, што 1938 кизось—решающей кизось областята областсь и вообще ичкоздень вастс модамарень усксемать машфтоманцты. Машинакитне должны улемс освобожденнайхть вастста вастс ня огромный усксематнень эзда. Сембе областне и республикатне должетт улемс обеспечиндафт модамарьса вилеста тозк эсь видефсон эзда.

Йотамок тундань видеа переспективанзон оценкасонды, Молотов ялгась няфтезе, што тундань видеа сатфкс мархта йотафтоманцты предпосылкатне тядде сяда цебярхть, ингольцеть коряс. Ашот, например, тья ингольдень затруднениятне, конат улельхть сотфт видьмонь афсатомать мархта. Но урожайность касфтоманцты тья кржа. Эрвицхть аф проста видьмот,

а оцю качества видьмот. Эряви заботамс сянь колга, штоба эсь пингстонза и кода эряви йотафтомс сортовой видьмонь лангс полафтомать. Эрвицхть обеспечиндамс видефнень тишень видьмоса, мезьфтема аш кода правильнайста мольфтемс севооборотнень. Пока што аф Союзонь Наркомземсь, аф Заготовкань Наркоматсь не могут снафтомс прят тевса сатфксон мархта. Эста кда, сави постараться, шукадемс кинь эряви, а минь тя тевть тисаськ сяда лац, йотай кизотнень коряс.

Минеральной удобренияса минь сможем обеспечиндамс велень хозяйствать безусловна сяда лац, йотай кизотнень коряс. Эряви аныцек тонадомс синь мархтобращаться, ванфтомс синь и йотафнемс, кода эряви. Кодавок аф эряви юкснемс местнай удобренийтнень колгавок.

Тракторхнень и машинатнень видеа анокламасот ламода нингя аф сембе тийф, ильня южной райоттнень эса. Земельнай системаса ламоц нингя ашость тонада честно относиться машинати, сонь мельганза якама, эсь пингстонза и кода эряви сонь петемс. Тракторонь петемаса запоздания ули лама областева. Ремонтнай тевсь кода эряви нингя апак ладьяк, технический кадрактнень аф шарфневи эрвикс мяль. Минь врагоньке тязовок путозь эсь кадысьон. Ламоц ремонтнай мастерскойне стройсвицхть сяда ламос, чем оцю завогтне. Аныцек Краснодарскый крайса мелянь кизоста сявомок апак аделак 19 МТМ-нь строямасна. МТМ-нь оборудованиясон колга заботада мекольдень пингть эзда улельхть кржа. Апак установлендак окончательнай типт од МТС-нь и МТМ-нь строямс. Эряви курокста петемс тя тевсь. Инь цебярь условиятнень МТС-нь сембе работасонды и МТМ-нь эса ремонтть ладяманцты минь тьяни можем максомс оцю трудфтома. Эряви аныцек кода эряви кярмодемс тя работати.

Эряви решительнайста кеподемс местнай советтнень, васендакига, земельнай оргаттнень, ответственностьсон колхозса алашатнень кирдемасон мельга ваномаса. Пинге сатомс, штоба колхознай алашась кирдеволь эрвикс порядкаса, штоба срафневикс, кода мярьгондеви "анемият" и лия вредительскый безобразиятнень каршос тюремась мольфтеволь аф валса, а тевса. Тьянь колга сембодонга пях сави лятфтамс Белоруссията и кой-кона областтнень эзда ялгатненьди, кода аф кржа улельхть нолдаф тьятама безобразияда.

Наркомземть инголе ащицхть организационнай порядкань оцю задачат. Мекольдень пингть самс тя тевсь земельнай оргаттнень эса улельхть катф. Земельнай системаса организационнай лафча шись пях няфтевь, мзярда всерьез кярмодсть правильной севооборотонь йотафтомати. Земельнай оргаттне тя тевса няфтезь эсь прясон йофсикс аф аноклафста, мезь сяда тов аш кода кирдемс.

Сембода пях илядонць Наркомземсь специалистонь кадрактнень: агрономтнень и лиятнень настоящей советскый воспитаниясон тевса. Сембе сякокс, минь колхозоньке тьяшкава кемокстасть и выдвинули-ни тьяшкава лама превосходнай организаторхт и эсь тевонь содайтхть, што тьяни земельнай оргаттненьди ламода сяда тьожда справитхсь эсь работасот сембе и всякай организационнай зада-

чатнень мархта. Эряви аныцек заботендамс велень хозяйствань специалисттнень работань условиясон колга и мекольдень кизотнень пингста низовой работаса касфколхозонь и совхозонь организаторхнень келиста выдвигениясон колга. Тьянь инкса земельнай работникненьди эряви цебярьста содамс лична ня ломаттнень, а тя тевса ламоц тинь эздонт пях шамордыхть. Эряви, штоба земельнай системаса улель обеспечиндаф аф бюрократический, а руководителень большевистский подбор алу да вяри модемс, штоба улель обеспечиндаф лезкс выдвигенецненьди и синь работасонды эрвикс проверка—и эста тевсь вишкста туй инголи. Эряви сяда курокна примамс сембе мератнень, штоба обеспечиндамс видеа кампанияти сембе МТС-тнень директорскый составса, обеспечиндамс сембе земельнай оргаттнень руководящей составса. Тьяфтома сембе лия мератне аф максхть результат.

Минцонк лама,—пях лама! велень хозяйстваса аф использованнай резервада, корхтай Молотов ялгась. Земельнай системаса аф кржа ломаньда, конат добувать оцю практический опыт велень хозяйствать руководстваса. Ули коста сявондемс и од вицхть. Трактористтне и комбайнерхне макссть-ни работань аф кржа замечательнай примерхт. Тя средать эзда, колхозонь руководителхнень средасон эзда и од специалистонь средать эзда минь курокста сможем получамс колхозонь лама од цебярь организаторхт и руководящей работникт земельнай оргаттненьди эстист. Колхозонь стажановецне и стажановкатне аныцек учихть, штоба земельнай оргаттнень и МТС-тнень работниксна кода эряви, а минь пингстонк тья значит по-большевистски, кярмодельхть ба синь трудсонь организавандамасонды цебярхнень опытсон—сембе колхозненьди максомасонды.

Тьяни Наркомземгь и лама земельнай оргаттнень руководствасна одкстомсь, мезь тьята жа ащи важнейшай предпосылкакс велень хозяйствать сяда товодонде успехонзонды. Минь йордаме эсь сялдазстонк аф кржа сускф антисоветскый педлида и тьянь вельде чистендаськ кить колхознай строить од победанзонды.

Сяда тов Молотов ялгась азозе правительствать мекольдень мероприятийанзон важностьсон, конатнень тиезень СССР-нь Наркомземсь. МТС-тнень финансированиясон од порядкас йотафтомасна тракторхнень и вельхозийственной машинатнень петемаса финансированиянь и организациянь од порядкас ламода лезды МТС-нень тевсон цебярьгафтомасонды. Правительствать мекольдень путфксонзон мархта, сембода пях МТС-тнень государственнай бюджетса кирдемасонды йотафтомасон мархта, машинно-тракторнай станциятнень развитияса тиендеви целай этап.

Минь аф сразу сама МТС-неньди, кода государственнай организационтненьди. Кода содаф-ни, МТС-нень келиста строямасонды минь ушодомя 1929 кизоть ушоткстонза. Но эста МТС-тнень государственнай характерсон эзда тейнек нингя аф сембось улель шарьхкотф. Васенце пингть МТС-нень строямаса руководствать инкса улельхть

намечандаф кода тинь содасась, тиемс особой акционерной обществса крестьянскый населениац средстванзон тов путомасон мархта велеса соответствующай акциянь мишендемасть вельде. Но опьтсь курокста няфтезе, што МТС-тне кирдихть решающей роль колхознай тевса. Тьяфтома организациянди акционерной типсь йофсикс ашозь ладья. МТС-не должетт улельхть арамс и арасть велеса основной государственнай организациякс, конатнень советскый властть тиезень эстиенза могучай рычажокс колхознай строительствать касомасонза. И сембе сякокс, машинно-тракторнай станциянь финансированиянь од порядкат колга партиять и правительствать мекольдень решенияц самс МТС-нень колхозненьди лездомаса государственнай организациякстиемасна ашозь улель аделак. МТС-нень государственнай бюджетс йотафтомасот аделакшнень МТС-нень касомасот целай этап. Тьяни государствась МТС-нень кирдемасон марнек сявондсы эсь лангозонза, тьяконь шовор 1938 кизоня МТС-нень лангс расхоттне составят 7 миллиартт цалковайхть. МТС-нень доходсна, конатнень синь должетт получамс натуроплатаса и ярмакса, тья кизоня нингя аф вельхтхьсась азф расхоттнень. Афсатыкс средстватнень МТС-нень кирдемасон инкса государственсць должетт максомс эсь бюджетонц эзда. Тя мероприятиясь йотафневи сянь инкса, штоба кеподемс МТС-нень работасон и вишкптемс синь лезксон колхозненьди. Тья аф аныцек финансовой мероприятия, но и государственнай важностьса организационнай оцю мероприятия. Тьяни МТС-тне арасть советскый организациякс синь законченнай видсост. Теест максф государственнай эрвикс авторитет и синь кядьстост минь ули праваньке вешомс сембе работасон серьезнайста цебярьгафтоманц.

Мелянь кизонь урожайть результатонза корхтайхть сянь колга, што минь улихть-ни колхознай строеньконь васенце кенерьф плоднза. 1938 кизоня нят плодтне должны арамс нингя сяда обильнайкс, сяда утайкс, нингя сядонга авторитетнайкс. Эста кода эряви касы и земельнай оргаттнень авторитетсна, касы земельнай работникнень авторитетсна, мезе тьяшкава йорай минь партияньке и правительстваньке.

Большевистскый партиясь и минь сембе народоньке—аделакшнесы Молотов ялгась—вешихть земельнай работникнень ширде аныцек фкя—срхкафтомс резерватнень, конатнень кирдсыне эсь эсонза минь велень хозяйстваньке. Шерьфтесть нят резерватнень кода эряви, ялгат!

Инголи од победатненьди ся кить эзда, конань няфнесы минь партияньке, конань няфнесы тейнек Сталин ялгась.

Молотов ялгать речец ламоксть лоткафневсь бурнай аплодисментса. Речть аделамдонза меле лама пинге молись овациясь, вайгяльхть: „ура!“ Шумбра улеза Ленинонь—Сталинонь великай партиясь! „Шумбра улеза минь вожденьке Сталин ялгась!“ „Шумбра улеза Молотов ялгась!“



# СОЦИАЛИЗМАТЪ ТЕВОНЦ ИНКСА ТЮРИХНЕ!

## Авась Арктикаса

Пяк оцю работа йотафтсть большевикне Арктикаты завоеванияса. Синь проникли сонь инь ичкоз день токанзонды, и кувака арктический весь валдомкшни сталинский валдса. Земной шарт инь северной точканц—Северной полюсть—завоевандазь большевикне.

Арктикаты завоевандама ряцок алятнень мархта мольтяма мингя социалистический родинаты стиренза. Сядот советский ават посвятили эсь пряснон Арктикаса работати.

Тяниень пингть анычек полярной станциятнень эса работайхть 72 ава: 17 метеорологт, 6 радистт, 4 магнитолокт, 3 синоптик, 2 механикт, фкя мотористка, 3 врачт и ст. тов.

Тюжяты ава работайхть Игаркаты, Нордвикты, Колыматы, Кировскты, Баренбургты стройкаснон и предприятияснон эзга. Ламоц синь эздот няфнихть стахановский трудонь блестящий образецт.

Эрь кизось сувафни Арктиканы славной завоевателень спискати авань од лепть.

Од энергичнай комсомолкась Людмила Шрадерсь 1933-це кизоня зимовщикнень мархта тусь Уэлену. Марса алятнень мархта сон строясь полярной станцият. Мзярда „Челюскин“ пароходсь ваясь Карский моряты зензон йоткс, Людмила Шрадерсь няфтьсь сембе мирти героизмань образец. Уэленца зимовкань старшая радистсь—Постниковсь срядьксть. Кафтаковонь спасательнай работатнень пингста Людмила Шрадерсь ашозе кадонда вахтаты, работамок радистокс круглай суткат. Правительствась и странась достойнайста отметили од полярничасть героизманц. Людмила Шрадерсь ульсь награжденнай Трудовой Красной Знамянь ордена.

Можна азомс замечательнай авань—полярничань нингя лама лепт.

Вов И. Л. Русиновась. Сонь арктический деятельностец ушодсь 17 кизода тядя инголе—1921 кизоня. Вятсь метеорологический наблюденият Малай Кармакулхнень эса и Маточкин шарса. 1932 кизоня участвовандась „Сибиряк“ экспедицияса, мезенкса правительствась награди сонт Трудовой Красной Знамянь ордена.

Авась—врачсь, авась—педагогсь сайхть ичкозденъ велетненди, кандомок культура Северста наротненди.

Врачсь Е. С. Кузьминась тусь работата Чукоткав Лаврентия заливы культбазазоня. Теенза лама пингя ашозь удадакшне тонаф-

томс эряйхнень медицинаты услуганзон мархта пользованияти. Врачсь арась пропагандистокс. Упорнай трудонь результатса Кузьминаты удалась, наконец, сатомс эряйхнень ширде доверия и нльня мумс эстиенза синь йоткстост активной помощникт—санитаркат. Е. С. Кузьминась афкунара сась материкты лангс. Маластонь пингть срхкай меки Арктикав.

Сире педагогты Рубцова Екатерина Степановнаты тяфта жа савьятемс упорнай тюрема Чукоткаста Провидения бухтаста эряйхнень йоткса шовдашты и отсталостть каршос. Но сон сатсь сянть, што Сиреник веленяста сонь школац признадаф Чукоткаса инь цебярь школакс.

Педагогический деятельностьта ушодыне мон и эсь арктический эряфозенгя. Васенцеда Арктикав молень 1930-це кизоня. Учителствовандань Лаврентия заливы культбазазоня. Сяка пингоня ушодонь работата зимовкань метеостанцияса и сатонь од квалификация—метеорологонь.

Самок васенце зимовкада меле Москуву, мон тунь метеорологический курсненди. И 1933-це кизоня марса „Челюскин“ пароходса экспедицияты мархта тунь метеорологкс зимовкав Врангель острову. Пароходть бортса дрейфть пингста мон вятень метеорологический наблюденият. Мзярда „Челюскинц“, люпштаф эйса, ваясь, аватне (минь эздонок ульсь 10) мужественнайста кандозь тя ударть. Пароходть шамдомаса сембе работатнень эса минь ашомя иляткшне алятнень эзда.

Челюскинецне, шарфтомок Оцю земляты лангс, получить правительственной наградат. Монь наградинадазь Красной Звезда ордена.

Кизось, конац йотафтф материкты лангса, мон полезнайста использовандайне. Мон максонь экзамен техниконь—синоптиконь званияс и 1935-це кизоня танга тунь зимовандама Белый острову (Карский моря).

Шарфтомок 1937-це кизоня Москуву, мон танга ушодонь кепсема эсь квалификациязень. Тонафняи работан Главсевморпутыса. Но Арктикась фалу терди. Тяденъ кизоть мон обязательна молян зимовкаса.

Арктикаса тийф лама, но лама нинге сави тиес. И тейнек, аватненди, тоса полезнай, плодотворнай, интереснай работань апакушотт край.

Орденоносецсь О. Н. Комовась (Челюскинский эпопеянь участникась).

## Мелякинась отличница

Болдувонь средний школаса Мелякина П. ученицась сембе дисциплинатнень эса тонафни анычек отличница. Отличнайста тонафнеманц инкса Мелякина ученицась 1937 кизоня казф похвальной грамотаса.

Мелякина ученицась максси оцю лезкс отстающей ученикненди. Тяда башка Мелякинась примосиак-

тивной участия общественной работаса.

Мелякина ученицась корхтай, што сон сатозень отличнай отметкатнень упорнайста эсь лангсонза работазь.

Сон савьсь обязательства, аделамс школаты отличнай отметка мархта.

П. П.

Рузаевкань р-н.

## Советский художницатне

Советский Союзть эзга лувондо-ви 3000 ават художникт и скульпторхт. Нят анычек мастерхт-профессионалхт.

Сядот и тюжяты стирнят тонафнихть художественнай академияса, ВУЗ-га, техникумга, художественнай училищава, студиява, клубнай самодеятельнай кружокова, овладевандамок изобразитель искусствань сложнай вигнень мархта.

Аш стама ужоня, коса ба афоль уль авась-художниксь, штоба реалистическийста няфтемс минь социалистический строительствань конь—минь странань конь трудящаензон радостнай и счастливый эряфснон.

Выставкатнень эса, конат тиендесть Москуса, Ленинградса, Кивса и лия ошнень эса, аватне няфнихть художественнай творчествань замечательнай образецт.

Вов сембодонга яркай полотнатне, конатнень тиезь аватне мекольденъ пингть:

„Ударниконь ложась Большой театраса“—Яновская художницаты картинац; „Чирчикстройса стирнясь“—Коротковаты художествац; „Шахтерхт“—Козловаты художествац; „Сталинский Конституцияты обсужденияц колхознай авань бригадаса“—Колмаковаты художествац и ст. тов.

Советский скульпторхнень йоткса почетнай васть аши В. И. Мухинаты. 1937 кизоня сонь скульптурац „Рабочай и колхозница“ увенчал советский павильонть зданианц Парижский выставкаса. Тя монументальный 24,6 метрань серегаскульптурась, кона тийф афшямоний стальста, получаь мировой известность.

Омбоце скульпторсь—М. Д. Рындзюнская тийсь лама интереснай работат.

Васенцеда 1926 кизоня сон лепиндазь Сталин ялгаты бюстонц.

—Мон тяни работан Сталин ялгаты бюстонц нилеце вариантонц лангса,—Марина Давыдовнась.—Тя работаса мон старандан максомс аф анычек портретнай сходства, но няфтемс минь вожденьконь и

учителеньконь величественнай образонц.

Мария Давыдовнаты мастерскойсонза советский ломанень целай галирея—свободнай, вию ломанень, конат смелайста и веселайста ваныхть инголи. Тяса можнат васьфтемс рабочаень скульптурат, пограничниконь, хлопковоческий колхозонь колхозниконь, счастливый тядянь, якутский рыбаконь и ст. тов образт.

Вов „Хлопок мархта стирня“ статуясь. Тя—содаф Мамлякатсь, конац награжденнай ордена. Ряцок колхозниконь скульптурнай портрет, конац планда вельф пашкодезень эсь норманзон. Сянть мельгя—оцю скульптура—„Пограничник“.

М. Д. Рындзюнскаяты творчества-сонза значительнай васта занцихть Советский Союзонь национальней республикань, ломаттне (татжикне, туркменттне, якуттне и лиятне).

Сарра Дмитриевна Лебедева станияжа работай советский од ломанень портретть лангса. Лятфнемом Октябрьский революциянь победада мельденъ эсь работань васенце шинзон колга, С. Д. азонды:

—Монь васенце студиязе ульсь Ф. Э. Дзержинскийть кабинетсонза, коса мон работань железнай чекистть бюстонц лангса.

Московский скульпторхнень мекольденъ выставкасонс Лебедева ялгась экспонировандась од работата „Мелавнянь канды стирня“. Тя работась аши интереснай попыткакс тиес скульптурнай образ, конац гармонировандай архитектурнай или парковой ансамблянь мархта.

Аватне скульпторхне Зандбергсь, По, Крандиевскаясь, Янсон—Манизерсь и лиятне тяфтажа тисть интереснай скульптурнай работат.

Мартть 8-це шистонза Москуса Всехудожниксь панжи авань-художниконь и скульпторонь произведениянь выставка. Улихть представленийхть 150-шка работат (живопись, скульптура, графика), конат няфнесазь минь шиньконь величяснон. (ТАСС).

## Парламентонь инь од депутатсь мирса

„Государственной властенъ высшай органонь инь од членъ мирса, а тяфта жа крупнай предприятия директоронь инь од заместительсь мирса“—тяфта Союзонь Советть мандатнай комиссиянь председателсь А. С. Щербаков ялгась эсь докладсонза Союзонь Советти азозе кевехксые кизоса ткачихать, тяни Родники ошонь, Ивановский областень, „Большевик“ текстильнай комбинатть директоронц заместителенци СССР-нь Верховнай Советть депутатонц Клавдия Федоровна Сахароваты. Афваномок эсь 19 кизонзон лангс, Сахарова ялгась кенерсьни няфтемс эсь пряни и производственной, и политический, и государственнай работаса.

1933-це кизоня Клавдиясь успешнайста аделазе семилеткай и поступиндазь ФЗУ школав. Тяс сон сувазь Ленинский комсомолу.

Кизода меле сон ни работай ткачихакс „Большевик“ текстильнай комбинатть 4-це номер одломанень фабрикасонза и вяти руководства фабрикаць комсомоль-

ский организациянц мархта. Од ткачихась комсомолкась энергичнайста кярмодсь работати. Фабрикаса эвондасть „легкая кавалериянь“ отрядт, ушодсь рабочай вастть чистайста кирдеманц инкса, станокнень скоростьснон кеподемаснон инкса, продукциять качествац кеподеманц инкса тюремаь.

А мзярда шачсь стахановский движениясь, Клавдия Сахаровась фабрикаса васенцесь кярмодсь кафтть вастс—4, а сяда меле 6 платтовский ткацкий станоконь обслуживанияти. Стирнять энергияц и упорствац сяськсть. Сон фалу вельф пашкоткшнезень норматнень.

Сахароваты кепотьксонц коряс последовали кемотть лияткачихат. Но фабрикань руководителхне ашость лезда стахановецненди. Производственной планць в целом ашозь пашкоткшнезень.

Клавдиясь кода эсь народонц истеннай стирец ашозь миренда ты мархта. Теенза ульсь яснай, што кемотть стахановецнень аф

(Полатксо 4-це стр.)



## Парламентонь инь од депутатсь мирса

(П Е Ц)

таты вийсна сембе фабрикань производственной программат пашкодеманы. Тя тевсь сембе коллектив. Не должет улемс отстаюшайхть.

И вов Клавдиясь фабрикаса васенда сявонди фкя отстающей рабочайхть — Пазухинь лангса шефства. Тонафнесы сонь, лезды теенза. Йотась сембоц ков, и Пазухинь пашкодезе-ни эсь планонц 114 процентс.

Тяфта комбинатса Клавдия Сахароват инициативанц коряс, уставсь стахановечнень социалистический шефствасна отстающей рабочайхень лангса. Сахароват колга корхтажессть. Сонь опытоц по лучась кели распространения.

Октябрь ковть кучкастонза 1937 кизоня кивехксые кизоса Сахаровась назначается „Большевик“ текстильной комбинату, кода 11 тьожанень коллективса, директорти заместителькс. Тя фабрикаса, конац ульсь мзярда бди миллионерт Красильщиковь, тяни одукс переоборудованнай, келептьф и оснащенной современной техникаса, революцияда инголе лама кизот работасть Клавдия дядяц и алая. Фабрикась кадендазень алянц сельмонзон и врединдазень дядянци пилгонзон. Эрясть синь 12 вайгяльбет фабрикат эзда и любой погодаста тьялонда и кизонда эрь шиня тя кить работама вастозост модемс и меки. Машинаса ардомс ашоэ сатне ярмакснэ.

Од стахановкаты, конац возглавил крупной текстильной комбинат, аф эвфнесазь трудностне. Сон анок синь каршозост тюремат. И васенце аськолксонза сонь няфнесазь, што сон действительна маш-

ты тюрема трудностнень каршос и сяськондемост синь.

Вов фкя факт Сахарова ялгать васень шинь работасонза лама лувксонь фактнень эзда. Пяле кизода ламос-ни комбинатсь строяй эряма кутт рабочайхенди. Работась молись валом. Строительне азондозь од директорти, што строительствать задержкань причина — транспортонь аф сатомаса, штоба усксемс лесоматериал.

— А колхозникнень ширде тинь ашоде анце лезкс? — кизефтезень Сахаровась.

Прорабть удивил тя кизефкссь: причем тьяса колхозникне?

...Выходной шиня Сахароват предложениянц коряс парткомсь и комсомольский комитетсь колхозга кучозь заводской активистнень и шиди меле Родникти таргавсть колхознай подвотне, конат марафт строительнай материалса.

Тяфта, од ткачихась няфтсь сире специалистненьди — строительненьди строительствань большевистский организациянь образец.

Курок комбинатонь директорти заместителькс назначениядонза меле Сахаровась ульсь примаф коммунистический партиань членкс. А декабрь 12-це шистонза 1937 кизоня Кинешевский избирательный округста избирательне фкя мялса кочкаэ СССР-нь Верховнай Совету эстиест депутатокс.

К. Ф. Сахаровась — СССР-нь Верховнай Советонь инь од депутат ащи парламентонь инь од депутатокс сембе мирса. Ибо аныцек Советский Союзса, отненьди везде минцонк ули ки

(ТАСС).

## Тейнек съормадыхть

Вертелимонь р-н. „Красная Мордовия“ колхозса лац моли тундань видемати анокламась. Колхозонь председателсь Картаев А. С., работамок тя работаса нинге аф пяк лама пинге, няфтсь тундань видемати анокламаса цебярь результатт. Аноклазе видьмоть, ремонттировандафтозень сбруйхень, вельхоз. инвентарть.

К-ц.

Кулдым веле.

Торбеевань р-н. Кяркя велень „Красный хутор“ колхозсь тяфта жа лац аноклай тундань видемати.

Сявомок йотай кизоть пяк цебярь урожай, колхозникне активнайста кярьмодсть тундань видемати анокламась работатнень пашкодема. Марстонь трудса синь аноклазь видьмотнень, инвентарть, сбруйхень; пашкодезь снегозадержаниянь планть.

К.

П.

Рыбкинань р-н. Вирь Сазанонь „Красный флот“ колхозсь нингя тачимс ашоэ ушод тундань видемати анокламась работатнень пашкодема. Колхозть нингя аф сембе культурань видьмонза аноклафт. Аш снав, вика видьмот.

Колхозонь председателсь Илюшкин и завхозсь Водяков тя серьезнай тевть кадозь эсь отям модемат.

Минь надиятама, што Рыбкинань райЗО-сь варжаксты „Красный флот“ колхозть руководстванц лангс.

В-в.

Зубувонь р-н. Од Потьма велень „Ленинонь кига“ колхозонь правлениянь четтне и колхозонь

председателсь Беляевсь, содамок, што моли нинге февраль ковсь, ашость кярьмодь по-большевистски тундань видемати анокламась работатнень пашкодема. Синь кяль прызост повсь политически вреднай отговорка, што мол „нингя таяла, кенерьхтяма анокламсь“. Тя отговоркаты сюнеда колхозть нингя аф анокт сеялканза, плугонза и нльня апак сортировандакт сембе видьмотне.

М-в.

Пурдошанский район. М. Пашад велень комсомольский организацияса комсоргокс работай Ерошин ялгась. Работамок тя работаса сон, кода комсомолец путнесы сембе виенц одломатнень коммунистический духса воспитандамас-нонды. Ерошин ялгась йотафни беседат политический и международнай темас, тонафнесы одломатнень йоткса ВЛКСМ-ть уставонц.

П. Н.

Рыбкинань район. Вирь Сазан велень советса председателсьс работай Уркин И. Л. Кда варжакстаса Уркинть работанц лангс, то тейнек шарьхкодеви конашка-ва халатнайста сон пашкотькшнесыне эсь обязаностензон. Велеса сидеста эряхть хулиганский явление, конатнень мархта васендаки-гя должен примамс мерат велень советсь. Кода, кепотьксонди, аф кунара Фомин П. И. Матюшкин Г. ульця кучкаса нельгозь Матюшкин И. паспортонц. Ульсть и лия возмущительнай явлениятка, конатнень машфтомаснон инкса велень советсь аф примоси кодамовок мерат.

В-в.

## ИСПАНИЯСА ФРОНТНЕНЬ ЭЗГА

Мартть васенце и омбоце шистонза ТАСС-ть кулянзон коряс

### Центральной фронтсь

Харама и Куэста де ла Рейна секторхнень эса мятежникне успехфтома пытались атаквандамс республиканецнень. Карабанчель секторса республиканский батареятне срафтоз Эстремадурский кига мятежниконь шашты колоннать. Тянь каршос ответонди фашистский артиллериясь бомбардировандазень Мадридть эзда югшири райоттнень.

Мадридский фронтса Карабанчель секторса республиканский войскактне февральть 28-це шистонза Колониа дель Коммерсио районца сязьсть кафта минат, машффт мятежниконь передовой посттнень укреплениясна. Занямок взрывонь районть, республиканецне фатясть колма пулеметт и лама винтовкат. Мятежникнень контратакаснот, ко-

натнень вельде йорасть панемс республиканецнень синь мархтоост фа-тяф позицияста, ашоль успешна.

\*\*

Фашистский колма гидросамолеттнень, конатнень мяльсоль бомбардировандамс Гихольс портть (Херона провинцияса), панезь республиканский истребительхнень эскадрильясна.

\*\*

Февральть ветеце шинцты самс фашистский авиациясь кафтасятт комсь вехксыексть бомбардировандазень 29 ошнень и Каталонияста велетнень, йордамок 5024 бомбат и лядеком 398 снарядт. Ульсь шавф 1542 ломань и ранендаф — 1979. Йофси синнеф 360 зданият аф скрось синнеф 1495.

(ТАСС).

## Китайса военнай действияне

### Севернай Китайса

Ханькоу, мартть васенце шистонза. Хенань провинциять севернай частьсонза китайский войскактне молихть Хуанхэ лять ширде северо-востоку и ащишь тяни Учжить аласа, Синь-Сянь эзда 50 километра. Бойхне молихть тяфта жа Цзюанянь маласа, коза илядсь 3 тьожаньшка солдатт.

Шаньдун провинцияса Тяньцзинь — Пукоуский машина кить эзда восток шири, китайский войскактне стремительнай контрударса

панезь японецнень и синь манчжурский частьсон Цзюйчжоу и Ишуй ошнень эзда. Тя районца ожесточеннай тюрематне мольть лама шит. Японо-Манчжурский частьтне порядкофтома потасть Ишуй районца север шири. Машина кить эзда запад ширеса японский войскактне сязьсть Цзининать и Веньтанемть йоткса китайский линиять, йотазь Великий каналть и сязозь Цзясянь, Цзининать эзда комсь километра.

(ТАСС).

## Конькаса курькснихнень соревнованияста

Февральть 18-це шистонза ульсь йотафтф конькаса курькснемань республиканский соревнования. Соревнованияса примосесть участия: Рузаев кань, Инсарань, Ичалкань и Саранскяень конькобежечне. Тяддень кизоть примасть участия 72 инь цебярь конько-

бежецт (30 ломаньда сяда ламоль йотай кизоть коряс).

Соревнованиясь йотась оцю успех мархта. Установиндаф республиканский 8 од рекортт.

Алува няфневихть победительхнень фамилиясна и результаттне.

№	Победительхнень фамилиясна	Кодама организациянь член	Конькань типне	Дистанциясь	Участникть разрядоц	Технический результаттне
1	Плешаков . . .	Спартак	Простойхть	1000 м.	Цьораня	2:35,0
2	Плешаков . . .	"	"	500 м.	"	1:04,4
3	Плешаков . . .	"	"	100 м.	"	13:0,2
4	Синявина . . .	Консервщик	"	500 м.	Стирия	1:26,6
5	Синявина . . .	"	"	100 м.	"	17:0,6
6	Лысова . . .	Школ. 31	"	250 м.	"	40,0
7	Гайдук . . .	Консервщик	"	500 м.	Аля	1:03,4
8	Абудеев . . .	Спартак	"	1000 м.	"	2:30,4
9	Гайдук . . .	Консервщик	"	100 м.	"	13,0
10	Реброва . . .	Пединститут	"	100 м.	Ава	16,04
11	Вякина . . .	"	"	250 м.	"	36,4
12	Назарова . . .	Спартак	"	500 м.	"	1:23,4
13	Сердюк А. . .	Локомотив	ласькомань	500 м.	Цьораня	1:01,5
14	Сердюк В. . .	"	"	3000 м.	"	7:47,0
15	Нишев . . .	Консервщик	"	500 м.	Аля	56,8
16	Трубников . . .	"	"	1500 м.	"	3:12,7
17	Трубников . . .	"	"	5000 м.	"	12:39,1

## РайПО-сь и потребительне

Шиди-шис советский народть касы потребностей. Сон веши культурнай обслуживания, цебярь продукт, одежат, обувь и ст. тов. Кода жа ломатнень потребность-снон пашкотькшнесы Рыбкинань торговой сетсь? Эряви азомс, што пяк калдыаста. Сувамок магазину, покупатель сельме инголенза повихть колаф 2—3 тарелкат, синнеф кресла и тяфтама жа патефон. Раймагса нльня аш кандитерский изделиятка. Кшись, кона микш-

неви потребительхненьди, сидеста эряй вярк, пяк пидеф, эи. Вестя аф весть усксекшнихть раймагу мануфактура, но сон мишендеви салава, прилавкаты фтала, знакомаенди и инойста ответственной работниконди.

Лия райоттнень эзга сембе няг товархне улихть, но кати мес Рыбкинань райПО-сь, сонь председателец Пугонин ялгась тачимс ашозень обеспечинда магазиттнень.

Рыбкинань р-н. Нуштаева.

Ответ. редакторсь П. ЕЖОВ.

Упол. Главлито № Д—26. Заказ № 986. Тираж 3254.

г. Саранск, тип. „Красный Октябрь“.